

棗強縣志卷第十七

陽湖楊元錫

同纂

蕭縣任銜蕙

雜記

祥異

漢

成帝鴻嘉四年夏六月河溢棗強壞官民廬舍

東漢

安帝永初四年夏四月蝗

順帝永建六年秋淫雨傷稼

桓帝永興元年秋七月蝗河水溢

棗強縣志卷十七 雜記

永壽元年二月饑人相食

魏

明帝景初元年九月淫雨大水

晉

武帝咸寧四年大水

太康六年三月旱

惠帝太安元年大水

懷帝永嘉四年大蝗食草木牛馬毛皆盡

元魏

孝文帝太和八年三月暴風

宣武帝永平三年旱

唐

高宗乾封二年大水

憲宗元和元年夏蝗

十四年水

宋

真宗景德元年棗強民張緒妻產三男

神宗熙寧元年河決冀州棗強埽北注瀛

元豐七年河決棗強

徽宗政和五年棗強埽決

六年棗強縣黃河清

金

棗強縣志卷七 雜記

二

太宗天會四年大水河溢渰沒城郭

元

世祖至元二十七年夏四月大旱

明

英宗正統四年夏蝗

十二年秋七月蝗

武宗正德七年夏黑眚見

世宗嘉靖十九年夏五月星隕太湖村化為石

二十四年夏五月大旱百姓流移

三十五年秋八月大雨傷禾稼

三十九年大饑民流移過半

四十年春三月黑風自西北起自己迄未始息
穆宗隆慶元年夏旱蝗

三年秋七月大水

神宗萬曆五年秋九月有星昏見西方本光尺餘上漸
闊如素練二更沒於西北色赤燭天長數丈

十一年六月天鼓鳴

十六年自春正月至六月始雨

十八年有蟲食禾稼殆盡

十九年秋七月飛蝗蔽日八月蝻生

二十年春二月中蝻復生忽雨雪厚四寸許蝻盡凍死
秋八月十六日夜隕霜殺禾稼

棗強縣志卷七 雜記

三

二十一年春二月至秋七月淫雨大水

二十七年旱禾不登斗米錢一百三十民饑

二十九年春民多饑死三月黑風起自東北晝晦踰時
方息

四十三年大旱斗米錢百五十民大饑

熹宗天啟六年四月地震

莊烈帝崇禎五年夏五月蟲災

十年蝻禾稼不登

十二年旱饑

十三年大旱斗米銀一兩人相食

十六年秋七月蝗飛蔽天不傷稼

國朝

順治二年大水平地深三尺田禾泮沒民大饑

三年水

四年蝗

五年水

七年蝗

九年八月二十三日天鼓鳴自西南及東北

十年大水

康熙二年十月彗星見自東南光燭西北長丈餘經十晝夜方散

四年春三月地震自春至六月始雨有秋

《夷強縣志卷七 雜記

四

七年六月十七日地震廬舍傾圮

十七年十二月二十二日未時空中有聲起自東北

十八年七月二十八日地震

二十年歲大熟

二十三年大旱饑

二十九年大有

三十六年蝻生遍野

四十二年春牛疫

四十七年旱斗米錢五百餘

四十九年六月大水

五十九年旱

雍正二年六月蝗

三年自春至六月始雨無年

六年大有

八年地震

十年歲歉

乾隆七年螟

八年六月大熱人畜多暍死

十年旱

二十七年大水

二十八年大有

二十九年麥秋豐稔

夷強縣志卷十七 雜記

五

三十一年有秋

四十九年旱三月初五日縣西舊河內大風颺沙後突

出黑炭荷取者如市

五十年四月初十日大風霾

嘉慶六年六月大雨經旬縣東西舊河水溢兩水相連

平地行舟可達鄭家口

十二月二十六日劉家楊谷莊劉元文妻武氏一產三

男

七年大有麥秀有二三岐者

大事

漢

武帝元朔三年封廣川惠王子曼爲棗強侯
四年封中山靖王子頗爲廣川侯

宣帝地節二年封河間獻王子招爲平隄侯

東漢

更始元年王郎分遣將帥徇下幽冀移檄州郡明年光
武自薊得郎檄南走信都發兵徇旁縣

安帝永初元年二月丁卯分清河國封帝弟常保爲廣
川王二年閏月廣川王常保薨國除

建光元年夏四月丙辰以廣川并清河國

順帝陽嘉元年二月以冀部比年水潦民食不贍詔案
行稟貸勸農功賑乏絕

棗強縣志卷七 雜記

六

獻帝初平三年袁紹軍於廣川令將麴義先登與公孫
瓚戰界橋南禽其所署冀州牧嚴綱

晉

懷帝永嘉三年四月石勒攻陷冀川郡縣百餘壁

愍帝建興四年石勒攻樂平其南和令趙領招合廣川
平原渤海數千戶叛勒奔于邵續河間邢嘏累徵不至
亦聚衆數百以叛勒巡下冀州諸縣以右司馬程遐爲
寧朔將軍監冀州七郡諸軍事

東晉

穆帝永和八年劉顯所署大司馬清河王寧以棗強降
於冉閔

升平元年

前燕慕容儁光壽元年

河間李黑聚眾千餘攻掠州郡

殺棗強令衛顏燕使長樂太守傅顏討斬之

案晉書載記晉升平元年儁改元光壽衛顏死事後有石季龍將張平稱藩於儁雖貢使不絕而誠節未盡儁討平悉降其眾通鑑綱目書燕擊張平平復降燕在升平元年則衛顏死事亦當在是年也

孝武帝太元二十年燕主慕容垂自平原狩於廣川

元魏

道武帝天興元年正月廣川太守賀盧恥居冀州刺史

王輔下襲殺輔南奔慕容德

太武帝太延元年十有一月己巳校獵於廣川

文成帝太安四年二月戊寅南幸信都改遊於廣川

宣武帝延昌四年六月沙門法慶聚眾反於冀州自號

棗強縣志卷七 雜記

七

大乘殺阜城令破渤海郡殺害吏人刺史蕭寶夤遣兼長史崔伯麟討之敗於煮棗城伯麟戰沒凶眾遂盛秋七月丁未詔以右光祿大夫元遙為使持節都督北征諸軍事帥步騎十萬以討之法慶相率攻遙遙並擊破之九月甲寅破斬法慶并其妻尼惠暉及渠帥百餘人傳首京師

孝明帝孝昌元年廣川民傅堆執太守劉莽反青州刺

史安樂王鑒討平之

唐

代宗大曆十年李寶臣與李正己師會於棗強椎牛醢酒犒勞將士討田承嗣

後梁

太祖乾化二年楊師厚李周彝圍棗強帝由下博觀津赴軍中師厚攻棗強數日不下城壞復修死傷者以萬數城中矢石將竭有一卒縋城出詣梁軍詐降周彝使荷擔從軍卒得間以擔擊周彝首踏地左右救至得免帝命師厚晝夜急攻拔之無問老幼皆殺之流血盈城

宋

神宗熙寧元年六月河決棗強而北都水監丞宋昌言建議欲於二股河口西岸新灘上立土約障水使之東流候稍深卽斷北流縱出葫蘆下流以除恩冀深瀛水患詔從之提舉河渠王亞以爲不可成不如修生隄詔

棗強縣志卷十七 雜記

八

遣翰林學士司馬光往視如昌言策不兩月決口塞

徽宗政和五年閏正月取棗強上埽水口以下舊隄所管榆柳爲恩州御河東隄椿木 十月丁巳中書省言冀州棗強埽決知州辛昌宗武臣不諳河事詔以王伸元代之十一月丙寅都水使者孟揆言大河連經漲淤灘面已高致河流傾側東岸今若修閉棗強上埽決口其費不貲兼冬深難施人力縱使極力脩閉東堤上下二百餘里必須盡行增築與水爭力未能全免決溢之患今漫水行流多鹹鹵及積水之地又不犯州軍止經數縣地分迤邐纏御河歸納黃河欲自決口上恩州之地水堤爲始增補舊堤接續御河東岸簽合大河從之

六年四月辛卯高陽關路安撫使吳玠言冀州棗強縣黃河清詔許稱賀

元

世祖中統三年二月修棗強城

明

武宗正德六年霸州賊劉六等率眾三千餘騎自冀州來薄棗強攻圍三日知縣段彥與民固守射死賊三百餘人賊怒攻益急外無救援城遂破彥赴水死賊殺死男女四千八百餘口

十四年帝南巡駐蹕於大營鎮

世宗嘉靖十九年五月五日午時太湖村忽聞天鼓自

棗強縣志卷十七 雜記

九

東南連鳴三聲天晴而雷震須臾明星隕地裂深丈餘村人陳仲崔洪岳本張雨等尊獲星石四呈縣貯庫巡

按以聞已見祥異復詳之

熹宗天啟二年武邑白蓮教于宏志等作亂煽誘遠近棗強繹騷知縣李時新申請官軍剿滅之玉石俱焚死者甚眾

莊烈帝崇禎十一年 大兵過棗十六年 大兵自臨

清北旋復逼棗城俱以有備去

識餘

漢

焦敏漢人寶刻叢編有漢小黃門焦敏碑在棗強

唐

李仁和工書法所書蜀王師蓋府君碑今在衡水縣東蓋村

丹臺真人邑人邊氏女名洞亨生有道氣早歲棄家於紫雲觀修行遇異人授以仙術開元初白日上昇冀州刺史原復以狀聞賜詔褒美立碑觀下贈丹臺真人至今所居地曰邊村鄉人呼為邊仙姑

案舊志八景之一曰紫雲仙蹟注云縣東南邊村寺為紫雲觀遺址而冀州志亦云州治東北邊仙姑觀即紫雲寺世遠年湮難可臆斷或曰邊村為誕生之地冀州乃修行之所紫雲寺宜以在冀州者為是闕疑俟考

劉言史趙人詩歌贈美嘗薄遊信都廣川間王武俊鎮

棗強縣志卷十七 雜記

十

冀頗好辭藝一見言史加異敬將置之賓位言史辭免復表授棗強令言史辭疾不就世遂稱為劉棗強云

金

路伯達冀州人妻傅氏以伯達嘗修冀州學市信都棗強田以贍生徒有司以聞上賢之賜號成德夫人

元

月溪居士名塔里幼時方解語即自言剃胎髮在牆穴中指母取之視之果然長慕佛教遊四方為名釋至元間薦授東平路總管以廉慎稱乞休誓為佛門外護凡僧尼粘縛者營救甚眾講授一吐萬言老而不倦一日說偈曰我不成佛佛說謊佛非我做我無為語竟無疾

而逝

明

劉叅戎璠身長八尺聲如洪鐘騎射技擊皆精尤善大刀人呼爲劉大刀未仕時蓮妖煽亂璠從一騎夜入其營大呼劉某來矣賊驚擾相殺比曉始定次夜又往遂爲所困時黎明賊皆注矢睨之璠曰我試馳馬爲諸君一戲賊首麾開一面觀之璠用鎧裏藏身法奔出賊追射矢被馬體如蝟毛至家馬乃斃人以其爲天祐云

已載列傳

茲又錄其軼事一則

張信河南人少爲劫捕送真定軍門劉叅戎璠時爲旗鼓傳宣愛其材勇言於巡撫脫其罪以收力用信感再

棗強縣志卷七

雜記

七

生恩誓以死報璠在行間數十年信侍左右如一日臨陣斬獲信之力爲多璠常較射畫布以三紅心信挾三矢自上而下次第命中立南北二標相去二百步信結束乘馬自南馳至北標則甲冑鞍轡悉置路傍自北而南則取甲冑著身鞍轡被馬至南標整齊如故而所乘馬健行如飛兩標之馳盃酒間爾每出郊外必挾弓矢及歸雉兔纍纍馬上見者皆曰張親隨馬也璠以丁亥回籍信乃請曰信刀頭游魂蒙公生死肉骨以至今日區區之心誠欲立功萬里報塞天日今公無復宦情信在此亦何所展其力請歸視妻孥璠厚贈遣之道過某府適大閱見其技藝不精笑失聲帥聞之怒命執以來

問何人具以對問何業曰軍中武藝皆所習也予弓矢使射再易之皆曰弱不可用帥以自用弓矢予之五發五中相貫如一帥曰材士能馬射乎曰能帥以所乘馬授之信執矢挾弓從容乘馬攬轡既定對帥舉手笑容作謝而去衆欲追之帥曰止彼將萬軍中顯技能也可成其名且彼乘健馬操利器豈汝輩所能追耶乃縱之去後不知所終又有顧珽者材勇亞於信璠之劫白蓮寨殺閻東井皆其功也